

Isertitsivimmi inissinneqarnissamut pineqaatissiiinernik naammassinninneq pillugu nalunaarut

Kalaallit Nunaanni pinerluttulerineri inatsimmi § 195, imm. 2 naapertorlugu, tak. inatsit nr. 306, 30. april 2008-meersoq, aamma politimesteri suleqatigalugu aalajangersarneqarpoq:

§ 1. Kalaallit Nunaanni Pinerluttunik Isumaginnittut pisortaata politiit isumaqatigereerlugit saneqqut-sinikkut aalajangersinnaavaa, sivikinnerusumik inissinneqarnissamut pineqaatissinneqarneq isertitsivimmi pissasoq.

§ 2. Politiit isertitsivimmiittut pillugit aalajangiissapput, Kalaallit Nunaanni Pinerluttunik Isumaginnittut isertitsivinniittut pillugit taamaaqataanik aalajangiippata.

§ 3. Isertitsivimmi inissinneqarnissamut pineqaatissiiinernik naammassinninnerni pinerluttulerineri inatsimmi kapitali 43 eqqartuussaaniikkut isertitsivimmiittussanngortinneqarnernik naammassinninnernut atuuppoq aamma taanna malillugu nalunaarutitut atiorneqarsimasunut atuuppoq, taamaattoq tak. § 4.

Imm. 2. Isertitsivinni inissinneqarsimasut ajoquserneri il. il. pissutigalugit taarsiivigitinnissaat pillugu apeqqutit pillugit pinerluttulerineri inatsimmi § 242 malillugu aalajangiiffigineqassapput. Isertitsivinni inissinneqarsimasunut taarsiivigininneq aamma ajunngitsorsiaqartitsineq aamma soraarnerussutisiaqartitsineq aamma eqqartuussaasimasut aamma inuiaqatigiinni sullissinissamik eqqartuunneqarnermut atatillugu ajoqusersimasunik iperaagaagallarneq il. il. pillugit nalunaarut isertitsivinni inissinneqartunut assinganik atuuppoq.

Imm. 3. Naammassinninnermut atatillugu akuliunnermut tunngatillugu taarsiivigitinneq pillugu apeqqut aalajangiivigineqassaaq pinerluttulerineri inatsimmi § 243 malillugu.

Imm. 4. Isertitsivimmiinnermut akiliut pillugu apeqqut aalajangiivigineqassaaq pinerluttulerineri inatsimmi § 244 malillugu. Kalaallit Nunaanni Pinerluttunik Isumaginnittut ataani isertitsivimmiinnermut akiliisarneq pillugu nalunaarut isertitsivinni inissinneqarsimasunut assinganik atuuppoq.

§ 4. Politimesteri, isertitsivinni sulisunut aamma sumiiffinni pissutsinut eqqarsaatiginninneq tunngavigalugu uani nalunaarummi malittarisassanik saneqqutsisuusinnaasunik aalajangersakkanik aalajangiis-saaq.

§ 5. Pinerluttulerineri inatsimmi § 245 naapertorlugu nalunaarut una malillugu politiit aalajangiineri Kalaallit Nunaanni Pinerluttunik Isumaginnittut pisortaannut saqqummiunneqarsinnaapput.

§ 6. Nalunaarut atuutilerpoq ulloq 1. januar 2010.

Kalaallit Nunaanni Pinerluttunik Isumaginnittut, ulloq 7. december 2009

THOMAS NICOLAJSSEN